

Lava xikandza xa Muna

(Ps. 27:8)

Nongonoko wo olova wo kombisa leswi u nga swiendlisaka swona ku ku pfuna ku khongela ni ku rindzela xikan'we ni ku langulatela eka Xikwembu u ri karhi u khongela ku ringana awara yin'we.

1. Lava xikandza xa Hosi hi ku vitana Vito ra Yona (ntlhanu wa timinetse)

Xikwembu xa ku yingisela nix a ku tshavelela (Va-Roma 15:5), Xikwembu xa tintswalo ni vunene (Eksoda 34:6), El-Shaddai (Xikwembu xa matimba hinkwawo) (Genesa 17:1), Yahweh-Jireh (Yehova o ta swi vona), Yahweh Ropheka (Yehova muongori wa wena) (Eksoda 15:26), Yahweh Shalom (Munyiki wa ku rhula, Hi Yena Ku Rhula) (Tipsalma 35:27), Xikwembu xa misava hinkwayo (Mikea 4:13), Yesu Kriste I Ndlela, I Ntiyiso na Vutomi (Yohane 14:6), Kriste I Matimba na Vutlharhi bya Xikwembu (1 Va-Korinto 1:24), Xinyimpfana lexi nge xikarhi ka xilavelo (Hlavutelo 7:17), Xinyimpfana lexi tlhaviweke (Hlavutelo 5:12), Kriste xitshembelo xa kukwetsima (Va-Kolosa 1:26), Moya wa: wutlharhi ni mianakanyo, ntsundzuxo ni matimba, vutivi ni kuchava Xikwembu (Esaya 11:2). Tintswalo/Musa na Swikombelo, Nhlawuleko, Rirhandzu, Ntiyiso, Matimba, Kutikhoma, Vutlharhi na nhlavutelo wa vutivi bya Yena, Moya wa Xidzuniso.

2. Lava xikandza xa Hosi hi ku khongelela pfuxeledlo wa wena (ntlhanu wa timinetse)

Anakanya hi swivutiso leswi landzelaka u ri karhi u khongela:

- Xana xikona xidyoho lexi ndzo ka ndzi nga xihambukelanga kumbe ku xi humesela erivaleni evuton'wini bya mina ke?
- Xana ndzi fuhlekile pfumalo-ndzivalo kumbe mbilu-kuvava (bitterness) evuton'wini bya mina ke?
- Xana kuni mintirho kumbe maendlelo ya nkanankano evuton'wini bya mina ke?
- Xana ndza wu yingisela moya lowo kwetsima ni ku endla ku rhandza ka wona eka hinkwaswo swilo ke?
- Xana ndza tinyungubyiso hi Yesu ndzi nga ri ni tingana ke?

3. Lava xikandza xa Hosi ematshan'wini ya mindyangu leyi nga ponisiwangiki, vanghana ni munhu wun'wana ni wun'wana (ntlhanu wa timinetse)

1. _____ 2. _____
3. _____ 4. _____
5. _____

Khongela leswaku va ponisiwa, leswaku Xikwembu xi va katekisa (emoyeni, eku hanyeni, emianakany'weni), u ngeta u khongelela ni swilaveko swa vona.

4. Lava xikandza xa Hosi mayelano ni vukulu (glory) bya Xona leswaku byi vonakala ekerekeni (ntlhanu wa timinetse)

1. _____
2. _____

3. _____
4. _____
5. _____

Kumbe U lava xikandza xa Hosi ehenhla ka kereke (ntlhanu wa timinetse)

1. Leswaku kereke yi va yindlu ya xikhongelo eka tinxaka hinkwato (Esaya 56:7, Mateo 21:13)
2. Leswaku kereke yi kutletela ku humelela ka Xileriso Lexikulu (Mateo 28:18-20)
3. Leswaku kereke yi kutletela ku humelela ka Swiletelo Leswikulu – tikereke to fikelela eka va aka tiko hi rirhandzu na ntwela-vusiwana, xikan'we ni ku va ndlela leyi faneleke ya ku pfuneta va aka tiko ku kuma swilaveko swa vona (Mateo 22:37-40)
4. Leswaku kereke yi tshembeka eka Rito ra Xikwembu.
5. Leswaku vuxaka byi ololoxeka ekerekeni ni lexikarhi ka tikereke: ku hambana, manyunyuni, mona, na swin'wana na swin'wana.

5. Lava xikandza xa Hosi ehenhla ka swilaveko swa wena (ntlhanu wa timinetse)

1. _____
2. _____
3. _____
4. _____
5. _____

6. Lava xikandza xa Hosi hi ku langutela ni ku yingisela (ntlhanu wa timinetse)

Kombela Xikwembu leswaku Xi ku hlavuleta swilo swintshwa, leswi Xi lavaka leswaku u swi tekela enhlokweni. Kombela Xikwembu leswaku Xi ku hlavutela xikongomelo xa Xona xikan'we ni nongonoko kumbe ku tiyimisela ka Xona hi wena. Xi vutise hi swilo leswi nga embilwini ya Xona leswi Xi lavaka leswaku u swi khongelela kumbe ku khongela hi swona. Tsala ebukwini leswi Xikwembu xi ku byelaka.

7. Lava xikandza xa Hosi hi ku khongela Rito (ntlhanu wa timinetse)

Sungula ku khongela hi tiPisalema naswona hi ndlela leyi kombetanga ntila wokarhi. Hlaya utlhela ukhongela hi tiPisalema timbirhi-tinharhu nkarhi wun'wana ni wun'wana wa ku khongela ka wena.

8. Lava xikandza xa Hosi eka kuhlula ni kunghenelela ka Hosi eka swiphiqo leswi landzelaka swa misava hinkwayo (ntlhanu wa timinetse)

1. Xitsongwa-tsongwana xa HIV/AIDS and vugangu kumbe vumbisi, ku hunguka, vungwavava.
2. Ku kula ka nhlayo ya vanhu lava hluphekeke, hamboloko (injustice), na swendlo swo vavisa.
3. Vikungudwani (corruption) hi ku angarhela, ni mintwanano ni swikwembu swa hava.
4. Kereke leyi nga eku xanisiweni eka matiko man'wana.

5. Tinyimpi, kuhalata ka ngati xikan'we na tinyimpi ta xin'wana, u tlhela u khongelela mamiliyoni ya vanhu lava balekeke kusuka ematikweni ya rikwavo hikwalaho ka swiyimo swo biha.
6. Khongelela vamanana ni vana lava va nga xanisiwa, ku susiwa ka makhwiri (abortion).
7. Xihlawu-hlawu, rizando na vutikukumixi bya xin'wana (ethnic pride).
8. Vungoma na ku gandzela swifaniso.

9. Lava xikandza xa Hosi ehenhla ka matiko (ntlhanu wa timinetse).

Tsala mavito ya ntlhanu wa matiko yo karhi kutani u wa khongelela

1. _____ 2. _____
3. _____ 4. _____
5. _____

1. Leswaku ku va na ku chuluka ka Moya lowo Kwetsima ekerekeni
2. Ku tumbuluxeka ka varhumiwa eka kereke, ku fikeleriwa ka lava vo ka va ngase fikela hi Mahungu Lamanene (Marka 16:15-19)
3. Ku va ni varhangeri lava kuleke emoyeni naswona vari na vuXikwembu
4. Ku andza ka malandza lama tiyimiseleke
5. Ku ta ka kurhula na dzuniso wa Xikwembu ematikweni ni le ka tinxaka ta misava, leswaku Xikwembu xi katekisa ni ku horisa tinxaka
6. Leswaku varhangeri na tihulumende tavona va tinyiketela eka vuhosi bya Yesu tani hi Hosi ya tiHosi (Esa 49:7)

10. Lava xikandza xa Hosi ehenhla ka varhangeri na vafundisi (ntlhanu wa timinetse)

1. Leswaku ku va ni vavanuna ni vavasati lava nga ni vuswikoti, lava chavaka Xikwembu, lava nga ni ntiyiso, lava vengaka bindzu leri nga lulamangiki (Eksoda 18:21)
2. Khongelela vavanuna ni vavasati lava nga ta tlakusa swandla leswi tengeke swi nga riki na ku kariha kumbe nkanakano (Timoteo 2:8)
3. Varisi ni varhangeri lava nga ta tsakisa mbilu ya Xikwembu, lava nga ta risa hi ku tiva ni ku anakanya (Yeremia 3:15)
4. Vaapostola, vaprofeta, vavhangeli, vadyondzisi na vafundhisi lava nga tatiwa hi Moya lowo Kwetsima xikan'we na ntwela-vusiwana wa Hosi Yesu, lava nga ta aka vapfumeri hindlela leyi nga ta vakotisa ku tirha ntirho wa vutirheli, lava nga ta aka mirhi wa Kriste ku ri ku endlela leswaku Kriste a akeleka eka hina.
5. Vavanuna ni vavasati – lava tiyimiseleke ku titshineta eka Xikwembu ku ta kuma pfumelelo, lava nga ta avanyisa ntiyiso hi ndlela leyinene, lava nga tiyimisele ku khomelela hambu swi tika, swibye swa nkoka, lava hlawulekeke vatlhela va ri lava pfunaka eka Muvumbi, va ti yimiseleke ku endla ntirho lowunene, lava nga ta kalana ni vumbabva xikan'we ni njejanjekisano lowu tisaka hi vuphukuphuku, lava nga kuceteleki mholovo, lava nga ni khwatsi, lava nga ni kulehisa-mbilu na ku titsongahata, vavanuna ni vavasati lava tshembekeke, lava kotaka ku dyondzisa (2 Timoteo 2:1-22)

Nakambe, lava xikandza xa Xikwembu ehenhla ka vantshwa:

1. Leswaku vantshwa va sweswi vata fikisela Mahungu Lamanene eka vantshwa lava ha taka
2. Leswaku vantshwa va va rixaka byintshwa na Xikwembu xikan'we na ku Xi yingisa
3. Ku va na valandzeri lava tiyimiseleke, va hanyaka vutomi lebyi kwetsimaka
4. Ku tirhela Xikwembu hi vuenti na ku landzelela kumbe ku ya laha a kombaka kona
5. Ku va ni timbilu ta ntwela-vusiwana, ku fikilela lava lahlekeke (etimpopini - GUTTERS) na swisiwana

11. Lava xikandza xa Hosi ehenhla ka ku khomelana ka vanhu na Xikwembu na van'wana (ntlhanu wa timinetse)

1. Leswaku tinxaka ti ta tivula swidyoho swa ku twa kuvava, kutshikeleriwa, ku xanisiwa ka vanhu va vona na tinxaka tin'wana.
2. Ku khomelana hi ku angarhela (eka mindyangu, ku xanisiwa ka vavasati ni vana, exikarhi ka tikereke na mihlangano ya vupfumeri, eka vanhu va mavala yo hambana-hambana. exikarhi ka matiko, naswin'wana na swin'wana)
3. Ku tshova makhokholo, vuako na maendlelo ya swa tipolitiki lama herisaka vutomi bya vanhu.
4. Leswaku munhu un'wana ni un'wana, mindyangu, swivongo ni mihlangano ya xin'wana yi rivalela lava nga va xanisa.
5. Hi tindlela to tlheriselana na ku katekisa van'wana.

Tlhandla-ka-mbirhi Lava xikandza xa Xikwembu ehenhla ka ntshuxeko (deliverance) wa vanhu eka vungoma na ku khongela swikwembu swa hava

1. Leswaku vanhu va tivula hilaha va nga ni xandla hakona eka swa vungoma ni ku khongela swikwembu swa hava.
2. Vanhu va vula leswaku Yesu Kriste ari swakwe I Hosi – I Ndlela, I Ntiyiso na Vutomi (1 Va-Korinto 12:3; Va-Roma 10:12; Yohane 14:6)
3. Leswaku vanhu va vula leswaku Yesu hi yena ntsena naswona I Mulamuleri loyi a hetisekeke a tlhela a ringanela exikarhi ka Xikwembu na vanhu (1 Timoteo 2:5)
4. Leswaku vanhu va vula leswaku ngati na ku vambiwa ka Yesu exihamban'weni swi ringanele ku vuyiselana ka hina na Xikwembu (Va-Heberu 10:19; Va-Efesa 2:13)
5. Leswaku vanhu va vula leswaku Xikwembu hikwalaho ka Moya lowo Kwetsima Xi ta hlavutela eka vanhu hinkwaswo swikwembu swa hava (2 Va-Korinto 6:14-18)

12. Lava xikandza xa Hosi hi ku dzunisa na ku gandzela (ntlhanu wa timinetse)

Fika emakunw'ni ya nkarhi wa wena wo khongela hi ku dzunisa na ku gandzela. Khensa Xikwembu hikwalaho ka vunene bya Xona u tlhela u teka nkarhi u katekisa munhu un'wana ni un'wana la taka emiehleketweni ya wena, hi vito ra Hosi Yesu Kriste.

Jericho Walls International Prayer Network

Private Bag x22, Lynnwood Ridge, 0040, South Africa

Tel. +27-12-365 3213, Fax. +27-12-365 3214,

Prayer network: info@jwipn.com / www.jwipn.com

24/7 Prayer: info@global24-7.org / www.global24-7.org

SEEK MY FACE - TSONGA
